



Mabaka a lenaneo le ke afe?

Mo go tsibogeleng lethoko la madi a go tsamaisa phitlho Debswana Pension Fund ene ya simolodisa lenaneo le le itebagantseng le go thusa ba malapa mo go tsa phitlho fa leloko le tlhokafala.

Lenaneo le bereka jang?

Leloko lengwe le lengwe, bagodi le baba tlogetseng madi a bone mo letloleng la Debswana Pension Fund ba akarediwa mo lenaneong le le simolodisitswe Seetebosigo a rogwa ka 2009. Maikaelelo magolo a lone eleng go thusa mo go tsa phitlho ya leloko le le tlhokafetseng. Ba lelwapa ba ka kopa madi a selekanyo sa masome a mabedi mo lekgolong (20%) ebile a sa fete P20 000.00 gotswa mo letloleng la leloko le le tlhokafetseng

Ke mang yo o akarediwa ke lenaneo le?

Mongwe le mongwe yo eleng leloko la Debswana Pension Fund oka thusiwa fa a tlhokafala mme go bothokwa gore o lemoge gore o thusiwa go lebeletswe gore a letlole la gago la phenshene lena le madi kgotsa jang.

Go bothokwa gape go lemoga gore lenaneo le ga le akaretse ope fela ko ntle ga LELOKO. Ga le akaretse ope wa lelwapa.

A go tladiwa difomo go nna leloko?

Nnyaa ga gona difomo tse di tladiwang tsa boloko fa ese fela fa osetse o kopa madi a phitlho. Fela fa ole leloko la Debswana Pension Fund o a akarediwa. Mme go bothokwa go lemoga gore lenaneo le ga se mofuta wa insurance, mme ke madi aa adimiwang gotswa mo letloleng la leloko a a etla reng mo bogautshwaneng a kgaogangwe bajaboswa.

A gona le gore a motho aka se thusiwe?

Ee, lenaneo ga le akaretse maloko aa jang phenshene ba ba latelang:

- Ba ba tlhophileng mofuta wa phenshene wa life only
- Ba ba setseng ba feditse sebaka sa mofuta wa phenshene ya 5 or 10 years guaranteed
- Ba ba tsereng mofuta wa phenshene ya kopanelo botshelo - joint life

Tsamaiso ya go kopa thuso ke eng?

Fa lesa le diragala, mongwe wa ba lesika le le gaufi la moswi/leloko e kanna mosadi, monna, ngwana, o itsise Debswana Pension Fund ka mokwalo gore ba kopa madi a lenaneo la phitlho. Bosupi jwa gore leloko le le amegang le tlhokafetse bo tshwanetse jwa pata mokwalo o.

Bosupi e ka nna tse di latelang:

- Mokwalo o o ikanetsweng fa sese kwadilweng ele boammaruri fela eseng sepe gape, mo go one gona le maina ka botlalo, fela jaaka a kwadilwe mo go omang wa yoo o tlhophilweng ke ba lelwapa gore e nne ene a ka neelwang madi a.
- Fomo ya go supa fa leloko le tlhokafetse
- Setlankana sese rurifatsang leso
- Lekwalo gotswa ko go molaodi wa kgaolo le rurifatsa fa ba lelwapa ba dumalane go kopa madi go fitlha leloko le le amegang.

Fa tse tsotlhe dile teng ebile go sena dipelaelo dipe Letlole le tlaa rebola madi ka cheke kgotsa a tsenngwa kwa bankeng ya yoo kwadilweng ke ba lelapa. O lemoge gore fa madi a a ntshiwa a fokotsa madi otlhe a a mo letloleng la leloko lele tlhokafetseng mme aa salang a duele bajaboswa jaaka melao ya Letlole e rebola.

A o patelesega go kopa madi a?

Nnyaa, se se mo maruding a ba Losika kgotsa bajaboswa go bona gore a mme gona le lethoko, mme fa le seo ga go tlhokafale gore go kopiwe madi. Lenaneo le direletswe fela malapa a eleng gore a iphitlhela a na le lethoko mo go tsamaiseng phitlho ya leloko lele amegang. Maloko a a sa eletseng go re ba malapa a bone ba ka kopa madi a mo boseyong jwa bone ba ka itsise Letlole la Debswana Pension Fund ka mokwalo fa ba santse bale mo botshelong. Madi a lenaneo le a tswa fela pele ga phitlho ya leloko le le amegang. Fa tse di tlhokafalang di le mmogo madi a tswa mo sebakeng sa malatsi a mabedi.

For more information please contact us at;

Gaborone Office

Plot 1188 - 1196, 1845, 5th Floor,
Debswana House, Main Mall,
Gaborone, Botswana
Private Bag 00512, Gaborone,
Botswana Tel: +267 361 4288
Fax: +267 393 6239
www.dpf.co.bw

Mmila Fund Administrators

Gaborone Office
Plot 64511, Mmila House
Fairgrounds Office Park
Tel: +267 3956966
Fax: +267 3956982

Jwaneng Office

Township Housing office block, Office No.9
Tel: +267 588 4849

Orapa Office

Administration Block, Office No.17
Tel: +267 290 2323